

第四一册

明倫彙編

閩媛典

閩節部

二六—三
(卷)

古今圖書集成

中華書局影印



古今圖書集成

中華書局影印

欽定古今圖書集成明倫彙編閩媛典

第二百八卷目錄

閩節部列傳九十

明八十五

周興邦妻曾氏 梁續妻方氏
郭鑒妻黃氏 吳東周妻謝氏
李楠妻曾氏 吳如珪妻黃氏
鄭遂期妻陳氏 祁應科妻陳氏
余應瑞妻朱氏 陳遜妻祁氏
葉在穎妻俞氏 方于養妻吳氏
黃宏川妻何氏 游潛周妻劉氏
許師德妻李氏 陳宏慶妻金氏
廖大訓妻陳氏 廖奇進妻黃氏
康正福妻吳氏 鄭一清妻楊氏
曾宗平妻鄭氏 張儀度妻陳氏
黃大雅妻林氏 郭潤夫妻洪氏
姚文燦妻吳氏 陳紹卿妻廖氏
李激甫妻王氏 黃貴德妻唐氏
趙良厚妻鄭氏 陳尚樂妻俞氏方氏附
盧雄妻朱氏 姚在正妻陳氏
周洪德妻黃氏 鄭正規繼室林氏
曾泰妾陳氏 陳明德妻黃氏
藍景光妻林氏 楊鎮妻林氏
郭大化妻鄭氏 宋夢奎妻林氏
陳道妻黃氏 林舉巖妻曾氏
鄭從龍妻吳氏 吳一桂妻林氏
洪肇會妻張氏 顧養達妻林氏

林應械妻黃氏 郭文采妻宋氏
周輔邦妻郭氏 徐東華妻周氏
馬全昌妻陳氏 陳致恭妻林氏
吳槩妻陳氏周氏附 程庠妻方氏女附
蔡應可妻吳氏 戴宗仁妻林氏
李景昕妻林氏 顧啓宗妻陳氏
方湛繼室吳氏 丘伯載妻鄭氏
俞康妻林氏 陳宗鑾妻吳氏
林仕養妻黃氏 林堅妻曾氏
戴宗泗妻林氏 張珣妻俞氏
歐嘉節妻鄭氏 葉九苞繼室鄭氏
鄭開瑞妻顧氏王氏附 林標甫妻謝氏
陳嗣楚妻鄭氏 曾子材妻張氏
葉宗仁妻鄭氏時煥妻附 俞爾賜繼室鄭氏李氏附
黃芳柏妻唐氏林氏附 余待佐妻梁氏陳氏附
林應述繼室丘氏 林道相妻戴氏
陳金娘 林貞一
鄭世貴妻蕭氏 吳芳矩妻莫氏
周問妻方氏 林理妻洪氏
沈會奇妻林氏 周大能妻宋氏
朱光騰妻林氏 陳志舉妻黃氏
許朝肅妻林氏 朱景說繼室吳氏
方鯤妻龔氏 張春妻林氏
張純昭妻林氏 吳宗猷妻丘氏
林夔一妻陳氏 莫銘現繼室方氏
林瓚妻徐淑英林氏附 黃履萬妻林氏
黃諧聲妻林氏 謝景行妻姜氏

林文鵬妻陳氏 鄭汝湯妻林氏
鄭善卿妻陳氏 陳善保妻林氏
舒祥妻陳氏 尤進妻李星娘
杜應麟妻林貞娘 林術妻周瑛娘
張瑋妻趙壽娘 張墨妻辛氏
林羨妻鄭佛奇 趙璧妻馮氏
林漫妻吳煜娘 丁相妻莊玉娘
盛抑妻林氏 黃均妻林貴娘
黃必高妻羅巧娘 趙佛佑妻劉氏
吳龍妻黃氏 詹月娘
陳公旺妻林氏 趙琳妻詹氏
郭德元妻趙官女劉錫娘余淑娘附
陳成一妻林眞娘 繆季弘妻黃氏陳氏附
陳邦翊妻阮氏 郭文標妻林銀娘
蘇炳妻王氏 陳嚴卿妻郭蕙娘
黃釗側室卓雍娘林金娘 趙德謙妻陳氏
王時習妻張聚娘 秦雄妻王靜能
黃喬焜妻秦氏柯氏附 丘琳妻趙妙絲王氏附
李蕃妻周妙勝 吳聰妻黃玉眞
林梅妻李婉娘 陳遜妻吳氏
吳欽遜妻周琬姿 劉惟義妻蔣氏
阮天從妻林玄娘 謝暉繼妻蔡氏
蔡寬妻梁淑端 潘遜妻黃氏
陳振翰妻李六娘 吳潔姿
郭允朝妻翁順正 黃喬植妻雷氏莊氏附
林知言妻陳氏

閨媛典第二百八卷

閨節部列傳九十

明八十五

周興邦妻會氏

按莆田縣志會氏周興邦妻年二十五而寡無子誓死靡他事姑孝謹立叔次子迪為嗣年八十四卒

梁績妻方氏

按莆田縣志方氏梁績妻年二十五而寡家貧甚姑老子幼紡績課子成立太守李茂功旌其門

郭鑒妻黃氏

按莆田縣志黃氏郭鑒妻年二十三夫亡遺孤喬礎甫二歲杜門紡績里婦不得見其面守節三十年卒

吳東周妻謝氏

按莆田縣志謝氏庠生吳東周妻年二十三而寡舅姑俱老家無擔石氏辛勤節儉竭力以供養生送死之具宗族稱之

李楠妻曾氏

按莆田縣志曾氏庠生李楠妻年二十二而寡割股以愈姑疾直指劉應龍表其門仍月給米一石年九十六終

吳如珪妻黃氏

按莆田縣志黃氏庠生吳如珪妻年二十二而寡斷髮矢志撫遺孤成立年七十餘卒

鄭遂期妻陳氏

按莆田縣志陳氏庠生鄭遂期妻年十八而寡一子甫彌月艱苦撫之成立守志二十餘年卒

祁應科妻陳氏

按莆田縣志陳氏祁應科妻歸祁甫三年而寡遺孤在抱家貧辛勤拮据賣產以資喪葬年八十有司旌之

余應瑞妻朱氏

按莆田縣志朱氏余應瑞妻應瑞客氏撫遺腹子事姑守志歷四十餘年卒

陳遜妻祁氏

按莆田縣志祁氏陳遜妻年十九而寡子承科甫四月矢志秉節剖股以愈姑疾郡守表其門年八十五卒

葉在穎妻俞氏

按莆田縣志俞氏葉在穎妻年二十而寡撫襁褓孤子拮据成家萬曆間郡守旌表年八十卒

方于養妻吳氏

按莆田縣志吳氏知州吳音妹方于養妻年二十而寡事舅姑以孝聞守節五十年卒

黃宏川妻何氏

按莆田縣志何氏黃宏川妻川早亡家貧撫孤苦節終老黃輩為之傳

游潛周妻劉氏

按莆田縣志劉氏游潛周妻年二十一而寡守節撫孤終老有司旌之

許師德妻李氏

按莆田縣志李氏許師德妻年十八而寡守節撫孤終其身有司旌表卒年七十二

陳宏慶妻金氏

按莆田縣志金氏陳宏慶妻年二十二而寡紡績以

養舅姑育孤子成立有司旌之及卒巡撫殷從儉助其葬

廖大訓妻陳氏

按莆田縣志陳氏廖大訓妻年二十二而寡撫遺腹子慶登進士授主事封太安人奏旌表門

廖奇進妻黃氏

按莆田縣志黃氏太學生廖奇進妻奇進沒黃年二十二遺孤寶甫四歲矢志課寶成立官德與令黃以壽終

康正福妻吳氏

按莆田縣志吳氏康正福妻歸康四閨月而夫亡家貧以紡績撫遺腹子父母勸嫁不從年七十餘卒

鄭一清妻楊氏

按莆田縣志楊氏叅政楊瓚孫女鄭一清妻年十九而寡守節終身督學旌表卒年六十

曾宗平妻鄭氏

按莆田縣志鄭氏曾宗平妻年十八而寡子甫彌月守節終身督學旌表卒年九十四

張儀度妻陳氏

按莆田縣志陳氏張儀度妻年二十而寡撫遺腹子守志終身郡守旌表卒年七十五

黃大雅妻林氏

按莆田縣志林氏黃大雅妻年二十二而寡家貧甚有武弁欲求娶林斷髮矢志孀居六十餘年有司旌之

郭潤夫妻洪氏

按莆田縣志洪氏郭潤夫妻夫亡撫遺腹子應謙甘

貧苦志太守陸美中旌之

姚文燦妻吳氏

按莆田縣志吳氏庠生姚文燦妻年二十而寡斷髮自誓終身未嘗見齒御史樊獻科旌之仍月給米卒年八十七

陳紹卿妻廖氏

按莆田縣志廖氏陳紹卿妻年二十二夫亡守節五十四年有司旌其門

李淑甫妻王氏

按莆田縣志王氏李淑甫妻年十八而寡甘貧守志郡守表其門

黃貴德妻唐氏

按莆田縣志唐氏黃貴德妻歸甫五閏月而寡年二十勵志守節撫遺腹子成立郡守旌之

趙良厚妻鄭氏

按莆田縣志鄭氏趙良厚妻年二十而寡矢志撫孤苦節終老郡守旌之

陳尚樂妻俞氏

方氏鄭氏附

按莆田縣志俞氏陳尚樂妻年二十二孀居守志孫泉娶方氏亦早世年二十五守節撫二子仲于甘南貴封孺人長子甘露娶鄭氏露歿鄭苦節如前並旌表

盧雄妻朱氏

按莆田縣志朱氏與化衛百戶盧雄妻年二十四而寡矢志苦節養姑育子終其身有司旌表

姚在正妻陳氏

按莆田縣志陳氏姚在正妻年二十六夫亡守節有

司旌之黃寺丞輩爲之傳

周洪德妻黃氏

按莆田縣志黃氏周洪德妻年十九夫亡遺孤未暮紡績以事舅姑喪祭盡禮直指五次表其門年八十終

鄭正規繼室林氏

按莆田縣志林氏鄭正規繼室現爲合浦縣令娶林至縣署至則正規病篤不能成禮尋沒林年十七扶觀歸葬矢志守節父母強之再適不從孀居二十餘載卒

曾泰妾陳氏

按莆田縣志陳氏司獄曾泰妾年十九孀居僅生一女矢志守節年九十終

陳明德妻黃氏

按莆田縣志黃氏陳明德妻年十九而寡守節終其身

藍景光妻林氏

按莆田縣志林氏藍景光妻年二十七而寡守節撫孤既娶與婦俱歿復撫幼孫成人有司旌之年七十卒

楊鎮妻林氏

按莆田縣志林氏楊鎮妻年二十五而寡僅一女母子相對紡績自給時值寇變之餘拮据益苦竟飲恨而沒

郭大化妻鄭氏

按莆田縣志鄭氏郭大化妻年二十而寡一子纔兩月氏矢志靡他守志四十餘年卒

宋夢奎妻林氏

按莆田縣志林氏庠生宋夢奎妻年二十四而寡守節撫孤有司旌表

陳道妻黃氏

按莆田縣志黃氏陳道妻年十九而寡守節撫孤成立郡守旌其門仍月給米優恤

林舉巖妻曾氏

按莆田縣志曾氏庠生林舉巖妻年二十七而寡守節撫孤直指優給月米調之年七十五卒

鄭從龍妻吳氏

按莆田縣志吳氏鄭從龍妻年二十而寡守節撫孤直指旌表仍月給米卹之

吳一桂妻林氏

按莆田縣志林氏庠生吳一桂妻年二十而寡辛苦撫孤縞素終身郡守旌表

洪肇會妻張氏

按莆田縣志張氏洪肇會妻年二十而寡遺孤纔兩月翁老有繼姑張氏奉養惟謹繼姑忽失明氏扶持後先二十年如一日拮据以完兩世之喪有司旌表

顧養達妻林氏

按莆田縣志林氏顧養達妻年二十二而寡撫週歲孤子矢志靡他直指優給月米年八十六卒

林應械妻黃氏

按莆田縣志黃氏林應械妻年十九夫死於寇無子氏矢志靡他孝養舅姑撫幼叔於襁褓直指月給米優恤萬曆間例賜絹帛米肉年七十五卒

郭文采妻宋氏

按莆田縣志宋氏郭文采妻年十九夫死於寇無子氏矢志靡他孝養舅姑撫幼叔於襁褓直指月給米優恤萬曆間例賜絹帛米肉年七十五卒

按莆田縣志宋氏庠生郭文采妻年二十八而寡守志三十年卒

周輔邦妻郭氏

按莆田縣志郭氏周輔邦妻年十九而寡遺孤甫彌月舅姑俱亡氏辛苦拮据成家業以授其子年七十五終

徐東華妻周氏

按莆田縣志周氏徐東華妻年二十六而寡止一女尋殤舅姑俱喪氏拮据襄葬事與父母相依矢志靡他歷三十八年終

馬全昌妻陳氏

按莆田縣志陳氏知州文熙女馬全昌妻年二十而寡矢志奉姑刻夫像朝夕哭奠持齋十四年病篤姑與母欲延醫泣辭之命垂絕令畫師為寫影繪以兩手自蔽其面

陳致恭妻林氏

按莆田縣志林氏庠生陳致恭妻年二十而寡事姑以孝稱倭亂兒達墀八歲被擄氏鬻產贖歸備極辛苦教訓成立

吳槩妻陳氏

按莆田縣志陳氏吳槩妻年十九夫亡子明卿甫四歲陳守節教之早補弟子員娶婦周氏亦年十九而寡撫三歲子姑婦相依終老郡守表其節仍給以羊酒陳年八十五周年六十五卒

程庠妻方氏

按莆田縣志方氏程庠妻庠嬰風疾值壬戌之變繩城又傷足方隨夫伏壕莽中數日取衣裹水濡沫之

庠自分必死勸方去方垂淚而已亡何庠死乃尋家衆共負尸歸殯氏年二十四僅一女事姑甚孝萬曆間郡守旌其門仍給羊酒年八十四終女適吳廷訓年二十九而寡守志如母撫孤苦節三十八年

蔡應可妻吳氏

按莆田縣志吳氏蔡應可妻年甫十八應可就婚於吳父任所甫一年而應可歸歿吳聞訃號慟幾絕及歸事翁姑盡孝年四十三卒有司旌之

戴宗仁妻林氏

按莆田縣志林氏戴宗仁妻仁早夭氏奉舅姑備極誠孝訓子應禧力學直指月給米一石優恤年七十九卒

李景昕妻林氏

按莆田縣志林氏康膳生李景昕妻年二十六而寡二子俱幼繼姑在堂氏甘貧守志紡績以供菽水萬曆元年御史月給米五斗十六年加米一石卒年八十八御史陳子貞助葬

顧啓宗妻陳氏

按莆田縣志陳氏顧啓宗妻歸甫八月而寡撫遺腹子事舅姑以孝聞直指優給月米年八十餘卒

方湛繼室吳氏

按莆田縣志吳氏庠生方湛繼室夫亡矢志孀居撫前妻子承郁成立詔建坊旌之承郁貴贈孺人

丘伯載妻鄭氏

按莆田縣志鄭氏丘伯載妻年二十二而寡無嗣翁早世與姑曾氏相依家貧紡績攻苦積二十年始得營葬夫翁畢葬未幾而沒有司表其節爲立石墓左

俞康妻林氏

按莆田縣志林氏俞康妻年二十五而寡苦守五十餘年奉翁姑以孝教子誨有義方有司旌表誨貴累贈夫人

陳宗慶妻吳氏

按莆田縣志吳氏庠生陳宗慶妻早寡事姑甚孝到股以愈姑疾直指徐鑒旌其門仍月給米一石年九十一卒

林仕養妻黃氏

按莆田縣志黃氏庠生林仕養妻年二十夫客死計聞欲自盡念垂白翁姑別無所倚遂矢志孝養壬戌之變冒死全姑孀居五十四年萬曆間有司旌表

林堅妻曾氏

按莆田縣志曾氏庠生林堅妻年十八而寡撫遺腹女矢志苦守足不踰閭事姑以孝聞郡守李茂功旌表

戴宗泗妻林氏

按莆田縣志林氏庠生戴宗泗妻副憲廷陞女年二十二而夫亡以所積金數百創祠祀舅姑而夫祔焉父病再刲股肉以療直指陸夢祖旌之

張珣妻俞氏

按莆田縣志俞氏張珣妻年十九而寡無子矢志靡他兩次刲股以愈姑病撫嗣子惟謹成立萬曆間郡守旌表

歐嘉節妻鄭氏

按莆田縣志鄭氏歐嘉節妻早歲喪夫守志不二養姑撫子孀居五十餘年年八十餘卒

葉九苞繼室鄭氏

按莆田縣志鄭氏布政葉珩孫九苞繼室年十九夫
亡所生子及前妻子俱幼氏撫之如一事翁姑以孝
聞旌表

鄭開瑞妻顧氏

王氏附

按莆田縣志顧氏庠生鄭開瑞妻年二十而寡妾王
氏年十八遺娠三月生男翁歿姑病顧到股以進孀
居五十年辟繼教子有司旌其節月給官米優之顧
先卒王年七十餘終

林標甫妻謝氏

按莆田縣志謝氏林標甫妻年二十四而寡家貧撫
二女苦節二十年卒

陳嗣楚妻鄭氏

按莆田縣志鄭氏諸生陳嗣楚妻年二十三而寡一
子尋歿氏誓死靡他孀居三十餘載目未常一職戶
外有司累旌之

曾子材妻張氏

按莆田縣志張氏曾子材妻年二十四而寡矢志存
孤始終一節年七十卒

葉宗仁妻鄭氏

時煥妻附

按莆田縣志鄭氏葉宗仁妻年二十四而寡子甫四
歲其姪女葉時煥妻年二十五夫亡子甫五歲時煥
亦宗仁姪也二鄭相依茹茶飲血四十年撫二孤皆
成立年各六十餘卒

俞爾賜繼室鄭氏

李氏附

按莆田縣志鄭氏庠生俞爾賜繼室年二十四夫亡
無出撫前妻子愛如所生賜弟爾斯妻李氏年二十

而寡妯娌相依白首同節

黃芳柏妻唐氏

林氏附

按莆田縣志唐氏諸生黃芳柏妻年二十二而寡遺
孤獨甫四月矢志勵節事姑孝謹憫又早喪與婦林
氏榮貴相守拮据營葬兩世棨棺晚節孤苦尤人所
難堪萬曆中直指優給月米唐年六十九林年五十
九卒

余待佐妻梁氏

陳氏附

按莆田縣志梁氏余待佐妻年二十五而寡子振先
甫二歲妾陳氏年十九遺腹生男妻妾同心共撫孤
守節六十年如一日萬曆中郡守李茂功旌其門

林應述繼室丘氏

按莆田縣志丘氏諸生林應述繼室年十六適林甫
半載夫亡翁亦隨喪丘矢志孀居撫前妻子及長授
室未幾又歿復撫其孫勤苦拮据以存先業族黨咸
重之直指優給月米年七十九卒

林道相妻戴氏

按莆田縣志戴氏林道相妻年二十夫亡守節三十
餘年辛勤紡績負土葬夫封股調粥以療姑病郡縣
旌之

陳金娘

按莆田縣志陳金娘實墩人陳欽望女許聘劉環未
嫁而環死金娘年十七聞訃素服奔喪誓不字人事
環父母終老直指月給米一石五斗萬曆八年詔建
坊優免二丁侍養年八十五卒與環合葬立石表其
墓

林貞一

按莆田縣志林貞一員外郎長清姑年十三許嫁方
氏子未歸而方子以遠戍沒貞一為服喪三年屏去
華飾茹素終身年七十卒

鄭世貴妻蕭氏

按莆田縣志蕭氏諸生鄭世貴妻貴早亡二孤相繼
歿蕭氏操守益堅郡守旌其門

吳芳矩妻莫氏

按莆田縣志莫氏吳芳矩妻年十九寡無子依父母
居矢志守節四十餘年終

周聞妻方氏

按莆田縣志方氏諸生周聞妻幼讀書能文及嫁聞
妹庚亦知書姑嫂題味相酬答聞欲取其集合刻之
氏辭曰婦人弄文非其宜也廢之後聞歿氏哀毀矢
節盡取生平所作焚於柩前庚所作羹繡集尙存而
方氏之集無聞焉年六十六卒

林理妻洪氏

按莆田縣志洪氏林理妻歸六閏月夫亡矢志自守
每逢佳節輒慟哭欲絕家人罕見其面孀居十年卒

沈會奇妻林氏

按莆田縣志林氏沈會奇妻年二十一而寡孤苦守
節六十餘年卒

周大能妻宋氏

按莆田縣志宋氏周大能妻年二十而寡安貧守節
四十餘年

朱光騰妻林氏

按莆田縣志林氏朱光騰妻年二十而寡矢志撫遺
腹成立早喪無孫林年八十餘孤苦九其里鄰哀之

陳志舉妻黃氏

按莆田縣志黃氏庠生陳志舉妻年十九而寡子堅甫彌月矢志苦守年八十三卒

許朝肅妻林氏

按莆田縣志林氏員外郎遷喬妹許朝肅妻年二十六而寡無子守節以從姪仰高爲嗣孀居三十六年

朱景說繼室吳氏

按莆田縣志吳氏朱景說繼室年二十五景說隨父歿于官邸氏誓死守節撫有遺孤卒年六十七

方鯤妻龔氏

按莆田縣志龔氏舉人方鯤妻年二十二而寡僅一女舅姑相繼歿寡居守志太守呂一靜月給米優贍

張春妻林氏

按莆田縣志林氏孝廉張春妻年二十四而寡矢志苦守綰素終身年六十三卒

張純昭妻林氏

按莆田縣志林氏張純昭妻年二十八守志教子勤紡績以襄喪葬御史旌之卒年九十二

吳宗猷妻丘氏

按莆田縣志丘氏吳宗猷妻年二十五而寡甘貧守志撫教遺孤事舅姑以孝聞孀居四十餘年御史旌表

林夔一妻陳氏

按莆田縣志陳氏同知一飭姑林夔一妻年二十九而寡家貧撫孤守志四十二年卒

莫銘琨繼室方氏

按莆田縣志方氏莫銘琨繼室年十七歸莫數歲不孕爲夫買妾夫病亡即閉戶自經以救解雙目因之失明持齋素二十餘年足不越外戶年五十餘終

林瓚妻徐淑英 妹德英附

按莆田縣志淑英同知徐廷龍長女與妹德英皆善屬文淑英適林瓚未幾寡誓死自守歌孤雁以見志

德英適俞氏子亦早寡守志女紅之外手未嘗釋卷所著有建文紀五母仇氏等贊及悼志賦淑英亦有貞棠堂集

黃履萬妻林氏

按莆田縣志林氏經歷黃履萬妻早寡守節孝事翁姑竭力以營夫葬年六十一卒

黃詣聲妻林氏

按莆田縣志林氏經歷長茂女黃詣聲妻年二十四夫亡無子守節四十一年卒

謝景行妻姜氏

按莆田縣志姜氏仙遊謝景行妻年二十而寡無子孀居六十年卒

林文鵬妻陳氏

按莆田縣志陳氏林文鵬妻年二十七而寡子之翰方三歲陳矢志堅守辟繡課子登萬曆庚子鄉薦泰昌元年奉旨旌表

鄭汝湯妻林氏

按莆田縣志林氏鄭汝湯妻年二十六而寡守志不撫二子一孫相繼俱夭焚燬孤苦五十年卒

鄭善卿妻陳氏

按莆田縣志陳氏鄭善卿妻年二十四而寡誓死守節撫育二孤終其身

陳善保妻林氏

按莆田縣志林氏陳善保妻年二十四而寡養老姑撫幼子備歷艱苦終始一節子文靜出仕封太孺人年八十二卒

舒祥妻陳氏

按福寧州志陳氏茶亭人早喪母鞠於嫂胡氏歸舒祥家貧事舅姑孝未幾舅姑及祥皆死陳年二十六撫穉孫子又死所親憫其少且貧勸更嫁哭不答依夫姪居以女紅度日每不能舉火忍飢無悔年六十餘卒囑姪合葬于夫墓墓在龍首山下鳳凰池傍林遂詩曰賢淑陳家女孤高舒孺人處心甘東飯含泣謝親鄰事變綱常重家貧節孝真鳳凰池上月從此長精神

尤進妻李星娘

按福寧州志李星娘尤進妻年二十三夫亡子方二周氏斷髮誓不二庭事舅姑孝中年子婦相繼沒撫孤孫至長年八十一卒

杜應麟妻林貞娘

按福寧州志林貞娘林琦女杜應麟妻應麟夜讀貞娘以女紅侍左右淪茗以進應麟必拱手受夜分有竊者入其室見其相敬如賓遂遁去明日以告於人應麟卒貞娘年二十四一子甫長而死孤苦萬狀終不易志

林術妻周瑛娘

按福寧州志周瑛娘生員林術妻子未辟術氏年二十四事姑守志子年十六亦死以夫族子爲後年七十餘終

張璋妻趙壽娘

按福寧州志趙壽娘張璋子生員璋妻趙死無子所親諷再適氏以死誓鞠伯氏子洪為嗣所居兩失火極力支吾中年病困苦節愈堅歷三十餘年壽終

張嬰妻辛氏

按福寧州志辛氏贊女年十九適舍人張嬰越八月夫亡撫遺腹子邦清一切家事付伯鑒經理與至親言足不踰閨年七十餘終

林羨妻鄭佛奇

按福寧州志鄭佛奇林羨妻年二十六夫亡一子方六歲父母令再嫁誓死不從日杜門勤女事雖至戚鮮見其面年七十三終

趙璧妻馮氏

按福寧州志馮氏趙璧妻年二十八夫亡子幼苦節養姑九載姑沒以禮喪葬中年男婦俱沒立姪為嗣焚爨獨居童僕非召不敢入中堂壽終

林櫻妻吳煜娘

按福寧州志吳煜娘林櫻妻櫻疾革無子囑他適吳泣曰妾欲同死以二姑垂老無人終養故不敢耳豈有他志耶櫻沒吳年二十三以夫從子梁為嗣事二姑並得其歡年七十六奏旌其門

丁相妻莊玉娘

按福寧州志莊玉娘丁相妻年二十七而寡二子一女俱幼遺腹又生男氏淡素自守雖至親不行慶弔事姑以禮送其終助二幼弟畢向平事年七十五終

盛抑妻林氏

按福寧州志林氏年十九歸盛抑二十五而寡矢志

養姑富室聞其賢謀娶之父母探其意號泣曰父母豈以盛氏無後為患乎乃立夫弟子如陵為嗣日夜紡績白首不懈

黃均妻林貴娘

按福安縣志林貴娘洋頭黃均妻均早喪林年二十餘子三歲孤寡無倚苦節自堅所親多暴兇逼令他適氏嚙指裂膚至死不變子早死撫三孫皆成立年九十一終

黃必高妻羅巧娘

按福安縣志羅巧娘洋頭黃必高妻年二十六寡四首垢面終身不為容飾處富若貧撫二子成立年九十一終

趙佛佑妻劉氏

按福安縣志劉氏富溪趙佛佑妻少閑內則歸佛佑生子甫晬而寡年二十四守節撫孤焚爨子立備嘗憂苦教子孫俱克立門戶年七十餘終

吳麗妻黃氏

按福安縣志黃氏吳麗妻嫁七年夫死一千甫七月夫兄利其產令更嫁不從拊柩號慟至失聲乃止平居略無笑容妯娌詰之曰夫死有何喜而笑孀居五十年足不踰閨年七十三終

詹月娘

按福安縣志詹月娘年十四許聘鄭繼宗越二年繼宗死聞訃欲往守喪父母母難之遂自脫簪珥服喪三年父母欲改聘號天哭曰薄命如此他適何為吾守死而已卒不嫁平居以孝敬聞年六十七卒

陳公旺妻林氏

按福安縣志林氏陳公旺妻年二十七生二子甫二歲夫以非命死林欲從之以子幼適止矢志自守家貧紡績以給衣食年七十四終

按福安縣志林氏陳公旺妻年二十七生二子甫二歲夫以非命死林欲從之以子幼適止矢志自守家貧紡績以給衣食年七十四終

趙琳妻詹氏

按福安縣志詹氏富溪趙琳妻生一子而寡年方少祇節自守至死不二宗族稱之

郭德元妻趙官女

按福安縣志趙官女鹿斗郭德元妻讀書知大義年二十七夫亡鞠姪為嗣終其身又郭景充妻劉賜娘年二十六而寡長子廷迨五歲次廷遵甫一週充弟景端妻余瀛娘年二十四而寡遺腹三月生男三婦並以苦節相砥礪孝男始終終身

陳成一妻林真娘

按福安縣志林真娘新塘人上杭陳成一妻年二十二守寡績麻易粟減膳哺兒鄰失火延及菲屋林獨抱木主挈週歲子世忠而奔棲身義井之旁世忠稍長田園既盡無地可耕樵採度日林年九十八終

繆季弘妻黃氏

按福安縣志黃氏繆季弘妻年二十九夫亡守節撫子頌娶婦陳氏頌亡遺孤一陽纔兩週陳年二十二知大義斷指誓不再適與姑共撫孤終身年七十六縣令表其門

陳邦翊妻阮氏

按福安縣志阮氏上杭諸生陳邦翊妻年二十三生子學益方週歲夫亡姑老家貧忍飢以供體粥食息不離夫柩逃倭難不宿人家不隨羣行飲澗嚙草惟姑婦對泣而已姑死喪具無措幾欲自經比學益得

食廩餼而不及養母

郭文標妻林銀娘

按福安縣志林銀娘洋頭人鹿斗郭文標妻年二十五而寡子大廉冲弱繼姑陳氏老而病三口嗷嗷形影相弔伯氏多方逼嫁林泣誓姑前明不二志紡績養姑二十餘年終身不事容飾足不踰閭教子成家年九十卒

蘇炳妻王氏

按福安縣志王氏萬曆中許字外塘蘇炳未娶蘇得異疾人皆以為癩女家悔婚氏止之曰吾命也不如同病而死竟嫁之育數子蘇以前疾沒王氏孀居終老

陳嚴卿妻郭蕙娘

按福安縣志郭蕙娘鹿斗人陳嚴卿妻年二十四嚴卿與弟福死于倭福妻更適鄉貴挑與俱去郭曰女好為之吾命薄不能作貴人妻也或以無子諷曰守節蓋為子耶乃立姪學諷為嗣力紡績課讀補邑庠生繼兒婦俱喪家益貧哺諸孤孫勞瘁幾無人色

黃劍側室卓雍娘林金娘

按福安縣志卓雍娘林金娘並黃劍側室劍沒于官卓年十九林年二十八嫡宜人陳氏憐其無出嘗試遣之輒額天誓曰今有異志他日何顏見先大夫于地下二妾一心囚首裹面孀居四十餘年邑人賢之

王時習妻張聚娘

按福安縣志張聚娘卓家坂王時習妻年二十二生子文顯僅二歲習病革與訣云吾死家貧甚不可守聚娘走中庭誓於天頃之習已慟哭仆地喪畢姑諷

改嫁復申前誓明無他志養姑至老孝敬不衰

趙德謙妻陳氏

按福安縣志陳氏廉村陳季中女富溪趙德謙妻年二十四而寡遺腹生子邦泰陳矢志撫之成立年七十七終

黃喬焜妻秦氏

按泉州府志秦氏黃喬焜妻晉江人焜以秦無出妾柯氏生子耀四歲秦與柯同守節課子讀書他妾施氏亦不嫁三寡相依白首無間耀領萬曆戊子鄉薦

秦雄妻王靜能

按泉州府志王靜能泉州衛千戶秦雄妻夫亡王年二十一子傑未辟獨與母何氏居或勸改嫁輒號泣累日不食自是無敢復言年八十卒

李蕃妻周妙勝

按泉州府志周妙勝永寧衛百戶李蕃妻襄陽人年十四適蕃蕃從征苗蠻陣亡周年二十四號哭購屍以葬訓子敵每以忠孝不墜門功為言茹素終老卒年六十後子以軍功累陞永寧衛指揮僉事

丘琳妻趙妙緣

按泉州府志趙妙緣丘琳妻年二十歸琳二年琳亡子榮尚在襁褓氏矢志不二守榮長襲祖父職官永寧衛指揮僉事亦早夭婦王氏撫子昇與姑共孀居貞潔自守俱以壽終

林梅妻李婉娘

按泉州府志李氏林梅妻名婉娘晉江人年二十而寡一子在抱每祝天願孤兒成立家長令再適輒欲自刎後無復敢言年五十八卒

吳聰妻黃玉真

按泉州府志黃玉真吳聰妻晉江人歸未三載夫亡無子斷髮誓不二庭父母欲奪其志寧死不從遂不之強卒年七十有二

吳欽遜妻周琬姿

按泉州府志周琬姿吳欽遜妻歸五年夫亡遺孤尚孩父母欲奪其志周曰兒不知書然兒聞婦人惟應一夫也父母亦憫然遂不之強周辛苦勤紡績以自贍終始不渝以壽終

陳遜妻吳氏

按泉州府志吳氏陳遜妻晉江人遜亡氏年十八撫五月遺孤成立年八十三卒後以孫用賓貴顯累贈夫人

阮天從妻林亥娘

按泉州府志林亥娘阮天從妻晉江人生男智宗僅三歲而夫亡家貧甚無近親惟抱宗侍老姑辛苦人不能堪姑歿以禮葬教智宗成立年八十八卒守節六十五年太守旌之

劉維義妻蔣氏

按泉州府志蔣氏劉維義妻年二十四夫亡家貧甚忍飢寒紡績以養舅姑撫二幼子舅姑沒喪葬如禮二子長皆克成立孀居三十九年終

蔡寬妻梁淑端

按泉州府志梁淑端蔡寬妻晉江人夫亡哭踊幾絕姑以其年少子幼欲嫁之氏欲自縊乃止自是孝養舅姑備嘗辛勞愛子不以姑息後卒登科

謝璋繼妻蔡氏

按泉州府志蔡氏晉江諸生謝暉繼室歸未幾暉亡氏無出撫前妻子繼宗力學爲諸生未幾繼宗亦沒遺孤九思五歲氏復撫養成八九思子貴封苑馬寺卿氏年六十七卒萬曆間旌表

陳振翰妻李六娘

按泉州府志李六娘南安陳振翰妻晉江人長史聰孫女年十九夫亡撫遺腹子成立事姑盡孝縞素終身歷艱苦四十八年卒萬曆間旌表

潘遜妻黃氏

按泉州府志黃氏晉江潘遜妻莆田人從遜戍鎮海逾年遜亡氏年二十二與姑吳氏攜骸骨歸葬斷右拇指爲信年八十五卒

郭允朝妻翁順正

按泉州府志翁順正郭允朝妻晉江人歸六載而夫亡宗戚勸再適翁歎曰允朝垂絕囑我以老母言猶在耳也遂斷髮自矢姑沒葬祭以禮年七十五卒

吳潔妾

按泉州府志吳潔妾蔡茂思妻晉江人歸六月思亡吳哀痛幾絕鄉人爭求納聘舅姑亦憫其年少無子欲許之吳泣告曰翁與吾父俱宦家身爲宦家婦夫死而遂背之可乎舅姑不之強孀居三十六年五十五卒

林知言妻陳氏

按泉州府志陳氏林知言妻晉江人夫亡子喬木甫二歲矢志不二孝事舅姑課喬木登鄉薦年七十餘卒

黃喬植妻雷氏

莊氏附

按泉州府志雷氏黃喬植妻晉江人喬植以父肅恭廕入太學舉嘉靖甲子順天鄉試娶雷氏於嗣雷爲置廢莊氏生子琰甫四歲植亡雷莊年各二十餘並矢志苦守四十餘年教琰成進士爲餘姚令贈封二母爲孀人

欽定古今圖書集成明倫彙編閩媛典

第二百九卷目錄

閩節部列傳九十一

明八十六



王桓妻李玉真

洪氏附

詹進妻林玉修

陸大妻何觀奴

林彬野妻徐氏

林鳴盛妻鍾氏

楊魁杰妻詹氏

李仲良妻林氏

黃鶯妻蔣氏

詹鳳翔妻黃氏

徐維妻王氏

程阿雲

徐循介妻陳氏

林裕妻陳氏

王虞德妻黃氏

郭士伺妻陳氏

黃世承妻林氏

陳氏附

蔡一清妻黃氏

黃弘妻鄭氏

顏光魯妻丘氏

蔡一松妻林氏

陳珣妻胡氏

王嘉圖妻李氏

蘇可教妻胡氏

沈汝棟妻劉氏

丘健妻陳瓊姑

翁朝妻劉異姑

郭泰妻陳氏

馬氏許氏附

林彥珮妻張氏

高尚賢妻陳氏

楊敬妻黃氏

周士達妻林氏

周學樂妻陳氏

洪氏附

江必鸞妻李氏

郭氏高氏連氏附

江光彩妻謝八娘

魏統妻王氏

李任祿妻石氏

陳大貫妻蔡氏

廖志光妻羅氏

張志穆後妻林靈金

張淵妻戴氏

張鳳妻潘氏

張國材妻李氏

林碧玉妻王氏

朱明貴妻曾氏

李廷仰妻戴氏

李能梁母許氏

陳士達妻吳氏

吳同愛妻葉氏

雷吟龍妻楊氏

吳仁安妻黃氏

吳時發妻張氏

施壽全妻甯氏

鄒欽相妻雷氏

雷廷種妻伍氏

黃美金妾金氏

吳明略妻伍氏

雷瀚龍妻伍氏

吳詒妻王氏

羅應濂繼室伍氏

李世相妻丘氏

伍經世妻謝氏

賴欽化妻謝氏

伍雲路妻黃氏

周國烈妻陳氏

張萬啓妻王氏

周氏女

吳繼養妻丁三娘

謝文中妻盧氏

江應魁妻吳氏

黃霓妻江辛娘

黃文阜妻童氏

黃廷瑛妻謝氏

余文炳妻黃氏

童綸妻李德娘

林祿妻李妙金

李鍾妻羅富貞

謝文魁妻吳氏

沈期亨妻童錦嬌

謝舉妻黃閨秀

童秉剛妻羅氏

童名標妻沈新鳳

賴璟妻姚氏

林康妻丘氏

童埴妻謝貴清

賴守正妻簡氏

張名妻賴氏

張世弘妻鄭氏

張化妻鄭氏

陳吳妻吳氏

張氏附

簡叔贊妻溫氏

吳尚本妻張氏

吳尚璘妻王氏

謝源貴妻危瓊娘

吳文俊妻黃氏

郭氏附

張梅妻龔仕娘

王時雨妻鄭氏

高科妻侯氏

吳嘉泰妻甯氏

朱文質妻陳氏

王纓妻李氏

杜門妻聶氏

黃宸妻謝氏

彭仲韶妻何金娘

陳其謀妻李氏

閩媛典第二百九卷

閩節部列傳九十一

明八十六

王桓妻李玉真

洪氏附

按安溪縣志李玉真李森女晉江庠生王桓妻桓亡玉真年二十所生二子嫌煥皆幼未幾嫌復煥玉真母諷其改適真引刀自刎妾洪氏趨抱持之遂從玉真守節撫孤各年六十餘卒煥為廣文好禮醇厚有名鄉人號李氏曰冰介洪氏曰節介萬曆間旌表

詹進妻林玉修

按安溪縣志林玉修諸生詹進妻夫亡子清在襁褓源方娘翁姑憐玉修貧苦諭使再嫁氏哀慟不已曰我乃為兩家媳婦耶源後登第旌表

陸大妻何觀奴

按安溪縣志何觀奴陸大妻年十六歸陸大未幾大以矢志苦節事姑教子終其身

林彬野妻徐氏

按安溪縣志徐氏林彬野妻野沒徐年二十二紡績

拮据以鞠幼子子殤煢煢孤守終身不渝

林鳴盛妻鍾氏

按安溪縣志鍾氏孝廉林鳴盛妻于歸克盡婦道鳴盛登賢書未幾而沒無子氏哀毀守節勤儉經營畢葬祭終其身如一日

楊魁杰妻詹氏

按安溪縣志詹氏楊魁杰妻魁杰溺死詹年二十一哭三日得屍歸葬如禮姑憐其少諷之改行不從孀居五十餘年終

李仲良妻林氏

按安溪縣志林氏李仲良妻無出林生子則成良及妻相繼歿林無所依攜幼子與仲良女婿鄭存忠同居時方少因自割鼻以全節後則成以人材舉

黃薦妻蔣氏

按安溪縣志蔣氏黃薦妻薦家世單弱蔣年二十二未生子薦妾於驚勸薦行義以廣後嗣未幾蔣生子大本而妾亦生子大任蔣均哺之夫沒遺大本入莆從林兆恩學歸則必問其業而使大任習武事任從軍有功二子欲以其節聞輒不許遂莫有聞者

詹鳳翔妻黃氏

按安溪縣志黃氏黃薦女詹鳳翔妻年十八翔病氏事之甚謹不五載翔沒氏年二十三有身七月對夫靈自矢曰所不死者冀萬一延一脈耳已生子麟苦守之兄弟六人同居不聞其聲即妯娌不甚相見後麟為諸生輒名誨之曰吾不死為汝善自愛

徐維妻王氏

按漳州府志王氏龍溪人漳州衛百戶徐維妻夫亡

無子妾鍾氏有娠已而生男王撫之如己出事姑李氏三十餘年小心敬愛營葬四喪嫡庶相守以沒齒子英孫襲職中武科進士

程阿雲

按漳州府志程阿雲漳浦副使應龍孫女年十六許字大學士林鈺子淳淳天女聞訃悲號兄以他辭慰之曰此身既已許林豈容或有他志吾其往也乃縞素詣林朝夕慟哭林之族無不哀之者立其姪為嗣里人王仍縉為之賦孔雀

徐循介妻陳氏

按漳州府志陳氏漳浦徐循介妻年二十四夫亡遺腹生男潛抱歸母家矢志堅守年六十二終

林裕妻陳氏

按漳州府志陳氏鎮海林裕妻夫氏年二十事舅姑三十餘年始終勤謹身老無歸丐一子畜之以承夫祀

王虞德妻黃氏

按漳州府志黃氏龍溪王虞德妻年二十八夫亡孀居不妄言笑鄉族以為楷範年九十一終同安林希元為著貞淑篇

郭士侗妻陳氏

按漳州府志陳氏龍溪郭士侗妻歸隲年侗沒遺腹生子復殤陳屢欲自決舅姑慰解之強弗死妹適於謝其夫亦沒相勉苦節年三十二以哀毀病亡

黃世承妻林氏

按漳州府志林氏龍溪黃世承妻年二十四世承沒子巨新甫二歲林事繼姑錢氏惟謹資紡績以給衣

食後巨新又早亡媳陳氏年二十六亦矢志如姑媳形影相弔歷五十餘年林年八十九陳六十八號曰雙節黃家

蔡一清妻黃氏

按漳州府志黃氏龍溪蔡一清妻年二十夫亡子方六月氏事舅姑以孝聞苦節四十年終萬曆間奉詔旌表

黃弘妻鄭氏

按漳州府志鄭氏龍溪生員黃弘妻夫亡家徒四壁母欲嫁之斷髮自誓終身不歸姑死躬負土埋葬年五十六終

顏光魯妻丘氏

按漳州府志丘氏龍溪顏光魯妻年二十三而寡母令改嫁斷髮為誓翁姑沒喪葬拮据盡禮年六十九卒

蔡一松妻林氏

按漳州府志林氏龍溪蔡一松妻年二十七夫亡矢志撫孤年七十七終

陳珣妻胡氏

按漳州府志胡氏龍溪陳珣妻年二十而嫁方娠夫死哀痛絕食誓不獨生里婦勸之曰有身五月矣若生男陳不絕祀或女死未晚也胡乃祝曰陳宗絕乎生女吾死之不絕當生男既而生男家貧淡薄胡不辭艱難撫育成立縣令旌之年九十三卒

王嘉園妻李氏

按漳州府志李氏龍溪王嘉園妻年二十二而寡無出立夫兄子瑱為後瑱未婚而夫李矢志益堅年七

十一終瑣妻吳三姐自縊死

蘇可教妻胡氏

按漳浦縣志胡氏戶部郎中文耀女儒士蘇可教妻年二十二可教應試溺水死胡求得其屍抱而親沐慟絕欲死念子民俊甫六月忍死撫育及民俊登萬曆壬辰進士授戶部主事上疏陳情奉詔旌表

沈汝棟妻劉氏

按漳浦縣志劉氏生員沈汝棟妻歸沈佐夫力學事舅姑盡孝年二十二夫疾朝夕籲天祈以身代夫以慟絕欲死舅姑強起之為立嗣居家不踰房閭坐臥惟在柩側雖至親罕覩其面年七十餘終萬曆二十六年旌表

丘鍵妻陳瓊姑

按龍巖縣志陳瓊姑儒士丘鍵妻鍵早亡子僅二歲陳孤苦勵志紡績訓子成立萬曆間縣令表其門

翁朝妻劉異姑

按龍巖縣志劉異姑生員翁朝妻朝亡劉方有身慟幾死翁姑泣勸為兒存後未幾生子龍州艱辛自守歷久無變萬曆壬辰縣令表其門

郭秦妻陳氏 馬氏許氏附

按詔安縣志陳氏南詔所千戶郭秦妻年十八夫亡矢志撫遺腹子繼繼初自給繼長生子良弼未幾職而沒良弼子藩襲職未幾又亡郭妻馬氏藩妻許氏並守節如陳郡守旌表

林彥珮妻張氏

按詔安縣志張氏林彥珮妻珮亡氏年二十五撫幼子大輅事舅姑以孝聞舅姑沒為負土築墳十指盡

血族入利其產欲嫁之氏晝夜號哭哀動路人苦節六十年卒大輅方殮母賊猝至人人驚竄獨護喪號泣頂之颶風作寇護舟遁以此得免人謂節孝之報云

高尚賢妻陳氏

按詔安縣志陳氏懸鍾所高尚賢妻年十六歸高翁亡姑老與夫挽車提甕共事姑賢沒氏年二十五撫三女及遺腹子欽苦節備績織養姑亡舅女為殮富室慕其賢聘之不能奪欽長事母亦至孝

楊敬妻黃氏

按詔安縣志黃氏年十七歸楊敬二十三而寡或勸嫁富室泣曰有子三週可望其長又幸有園二畝可以療飢安適為常廢午炊辦燈火以教子年七十有二孫觀吉捷南宮

周士達妻林氏

按海澄縣志林氏周士達妻隆慶庚午士達赴省試溺死林欲躬往求屍舅姑不可命長子往竟不獲坐臥一席地積淚漬漬久之隱隱有血迹三十餘年不出戶庭子尚德領萬曆辛卯鄉薦學使旌其門

周學樂妻陳氏 洪氏附

按海澄縣志陳氏周學樂妻學正周一陽媳也樂弟學射從父任盱江沒又三載學樂亦亡射妻洪氏與陳姻姻同庚相依共守各勤紡績以供甘旨洪氏子起元成進士為名臣而洪已不及見陳氏子起龍為南昌別駕陳得祿養直指李凌雲疏聞詔建坊旌表

江必鸞妻李氏 郭氏高氏連氏附

按海澄縣志李氏江必鸞妻鸞沒撫幼子周楫比長

娶婦郭氏楫又亡李慟弗勝郭氏力慰姑願終事餘年姑婦遂相依以老縣令陶銘贈以數帛表其門同時有鍾廷瑜妻高氏早寡守二子二人長以勵娶連氏亡何以勵天折連亦守節如姑

江光彩妻謝八娘

按海澄縣志謝八娘江光彩妻贈中憲謝君禮女光彩家貧遠客萬曆癸卯呂宋酋殺華人無數光彩死焉八娘聞訃哭幾絕姑及祖姑勸慰之撫遺腹子成立茶苦備嘗祖姑及姑後先沒皆謝力謀營葬

魏統妻王氏

按海澄縣志王氏同安人年十八適魏統事姑至孝姑亡明年夫亦沒氏慟絕復生者數子呈鑄甫三歲暴叔思甘心焉乃徙依母家賃空山草舍以居課其子讀書學稍懈輒自刺其掌子為驚奮比呈鑄補邑諸生氏乃歸故居營夫葬而終老焉晚歲施砌文江石路半里許所坐紡績處終歲不離人至起立慰勉之比去輒還坐如初其貞靜類如此年七十餘縣令旌之

李任祿妻石氏

按海澄縣志石氏李任祿妻夫死遺孤世奇方九歲氏備十指教之小過必懲迨成進士入中祕以母老乞歸終養鄉里欲以母苦節上聞母慨然謂其子曰婦事夫猶臣事君適際其難故爾何節之有且汝幸通籍於朝天之報我不薄矣若復受旌人將謂以庶常之母故也汝其求庶人妻之苦節者以聞潛德可耳曾有疏薦其子者并及母節乃得旨勅本縣月給白米一石為母膳時年九十二又二年卒

陳大貫妻蔡氏

按海澄縣志蔡氏陳大貫妻適貫五載克備婦道夫為族蠹凌毆嘔血死蔡誓以身從自縊者數小姑輒防護救解且勸曰嫂獨不念幼姪乎乃止家貧紡績供衣食課子通經逢夫忌辰必設血衣號慟如初喪有司表其門以壽終

廖志光妻羅氏

按寧洋縣志羅氏廖天瑞長媳志光妻也光艱於子僅生一女遂亡氏事舅姑以孝聞丁酉天瑞舉於鄉授新昌縣令氏隨之任撫女及笄配江右宗室後數年天瑞致仕其女欲迎氏就養泣勸勿歸氏曰汝母不死蓋為舅姑耳且汝之外祖母在寧洋吾雖居此安乎汝欲養母乃使不安可乎卒隨舅姑歸里縣令表其門

張志穆後妻林靈金

按平和縣志林靈金張志穆後妻穆先娶鄭生一女二子林皆愛撫之穆亡林年二十七所生子六歲其伯翁與其姑李氏謀逼嫁之林慟絕復甦曰死而已復何言李與伯翁已受富人聘不能復還林走懇族老之解事者百端曉李李悔竟還聘李沒為築墳夫與前妻俱葬焉拮据辛勤教三子成立皆友愛

張淵妻戴氏

按平和縣志戴氏木場人小溪張淵妻淵亡戴年二十五無子舅姑微探其意戴欲赴水死以救免屏居一室足不踰閭雖子姪希見其面苦守五十年始終一節

張鳳妻潘氏

按平和縣志潘氏龍溪人諸生張鳳妻鳳疾篤語潘曰汝盛年遭此奈何曰君無慮決不相負也鳳沒潘年二十二無子舅姑相繼去世姊姪以白於族人為請立嗣終其身

張國材妻李氏

按平和縣志李氏西山人小溪張國材妻年二十五材死姑病喪明懼無所依朝夕泣李溫言慰姑善事之數年姑沒貧不能治具族人為葬之年八十卒

林碧玉妻王氏

按平和縣志王氏雲霄前塗人林碧玉妻王氏年二十三子遺腹舅姑垂白遭凶年忍饑寒苦守年六十教子為諸生

朱明貴妻曾氏

按平和縣志曾氏在坊人龍潭朱明貴妻年二十二夫亡守四歲孤孤仕業時祖姑及姑俱寡居居事之終老仕業生四子二為諸生

李廷仰妻戴氏

按平和縣志戴氏木場人李廷仰妻夫亡年二十三欲以身殉念遺孤思賢甫四歲無所依乃矢志撫育思賢長入邑庠未幾思賢又沒婦張氏痛其夫餓而死孫正心方七歲戴又躬勤撫養兩世存孤艱難萬狀及孫成立而卒

李能梁母許氏

按平和縣志許氏貢士李能梁母年二十九生四子而寡舅寇張璉作亂屋產盡廢乳孤在懷孀居教四子俱列黌序三貢大廷年九十三見其孫光熙成進士

陳士選妻吳氏

按平和縣志吳氏漳浦人雲霄陳士選妻士選早有文名苦學病羸死吳年二十七甘貧事繼姑教子默克繼先業

吳同愛妻葉氏

按平和縣志葉氏玉橋人僉事龜峰年十八適西林吳方伯曾孫同愛愛亡葉屢欲死幸遺腹生男曰吾可無死以存孤也苦守十五年足不踰閭年三十五卒

雷吟龍妻楊氏

按寧化縣志楊氏楊天毓女雷吟龍妻年二十生子世儉未離襁褓而吟龍病篤與訣曰修短固命而家貧子幼奈何楊泣曰君之遺體妾之續命也生死視此矣吟龍遂瞑楊安貧撫子辛苦備嘗年八十四卒御史旌之

吳仁安妻黃氏

按寧化縣志黃氏吳仁安妻年二十三夫沒遺孤立麟殊幼黃號慟絕食誓以死從姑勸以立孤存祀為大乃稍進漿水毀容憔悴至老足不踰庭御史旌之吳時發妻張氏

吳時發妻張氏

按寧化縣志張氏諸生吳時發妻年二十四夫亡矢志撫幼子元俊俊由明經為武進丞張年八十七卒御史旌之

施壽全妻甯氏

按寧化縣志甯氏施壽全妻年二十四夫亡遺孤澤民貧莫無依甯矢志撫孤年八十二卒御史旌之鄒欽相妻雷氏

按寧化縣志雷氏諸生鄒欽相妻年二十四而寡撫孤三十年坐不易方縣令表其門

雷廷種妻伍氏

按寧化縣志伍氏雷廷種妻未歸而種染疾殘廢無復人道遂請罷婚伍堅執不從竟歸種扶持夫疾不避垢穢越十四年而種沒或諷再嫁伍太息曰人之痴愚乃至於此昔雷氏罷婚吾年二八耳此時不歸雷誰強我者但以義不可絕食苦至今日尚爲此言不亦慎乎於是人益欽之年六十餘卒

黃美金妾金氏

按寧化縣志金氏主簿黃美金妾兵馬司指揮黃恩官母也萬曆三十四年以皇太孫生上聖母徽號加恩在內臣工恩官嫡母鄭氏獲贈孺人恩官復具疏陳情乞恩旌母苦節其略曰臣生母係京衛指揮金見之六年十六歸臣父黃美金生臣三歲而臣父病篤治命謂嫡母鄭曰必嫁金氏彼年少難待子長也臣生母聞之悲慟拜牀下曰所不與嫡字而子者鬼神殛之臣父口稱難難而目遂瞑生母絕水漿者七晝夜臣嫡母諭之曰子幼予既老汝又絕食子誰依乎激一時之性以絕宗何忍于是始進水漿哀毀骨立見者驚爲人腊自是不離嫡母左右燃燈辟蠱夜分不寐啣植微軀愛勞兼篤賴以成身皆生母之力也但臣一介孤寒未能自達宸聰致母苦節久淹此臣所椎心泣血不得不哀鳴于君父之前者也于是奉旨下禮部特加勅一道勅曰人子以菽水致親一日孰與國寵致親千禩乎故表節于彤管龍章而委烙於蓉城馬鬣則榮名未有既也爾金氏力兼勞瘁

味厭蓼荼踐夫臨訣之言畢已立孤之志天祿用酬于寡鵠陳情可憫乎慈烏是用贈爾爲文林郎孺人雖死猶生轉宵爲旦夫撫孤如金氏者多矣致身通顯如恩官者又不可數計也乃遭逢錫類之恩特叨加勅之榮此孝子所腐心虔禱而未可得者也可無志乎

吳明略妻伍氏

按寧化縣志伍氏吳明略妻年十九夫亡遺孤上于纔三月伍撫訓有成上于既補諸生旋天遺孫大用伍又撫訓如初亦補諸生而大用復喪伍一身勤劬卯翼三世眞如積冬無春重陰不且也御史李嗣京旌之

雷瀚龍妻伍氏

按寧化縣志伍氏諸生雷瀚龍妻年二十龍亡遺孤頑甫週伍厲志撫孤代夫事母以孝謹聞顧以貢爲州同知伍氏年七十五卒御史喬督學周並表其門吳詒妻王氏

羅應謙繼室伍氏

按寧化縣志伍氏伍星盤女爲羅應謙繼室年二十一夫沒撫幼子萬梧家中落爲子母家所窘伍勤苦節儉卒償宿負子亦成立

李世相妻伍氏

按寧化縣志伍氏李世相妻年二十一夫亡守節跡不踰閭撫訓藐諸嚴濟其慈中外憚肅奉爲女範遺孤日耀補弟子員縣令表其門世相弟世翰妻諱氏

年二十三而寡無子誓從死竟以哀願摯情爲義蓋丘所風也

伍經世妻謝氏

按寧化縣志謝氏諸生伍經世妻年二十一世沒遺孤美萃甫週謝食貧攻苦訓子有成年逾七十卒御史喬督學周並表之

賴欽化妻謝氏

按寧化縣志謝氏年十七適賴欽化欽化甚貧謝事姑范以孝聞年二十二而化疾革于道隆僅奉欽化顧謂謝曰死不足憾但母老子幼家無擔石抱恨不瞑目耳謝泣曰老母弱子夫在惟夫不幸則惟妾家雖貧十指尚在忍饑寒當可延活言已慟絕旁人爲之泣下欽化既沒養姑哺雛殫心瘁力或憫其慙微諷改節謝唾罵之無復敢言年六十六卒縣令表其門

伍雲路妻黃氏

按寧化縣志黃氏伍雲路妻年二十八而雲路亡家無瓶粟寒暑併衣一子甫三歲黃忍饑寒鞠之叔氏勸別適黃云叔憂孤兒饑死當行乞以活之決不從人自活也父聞其言知其志堅確歲給薪米助之年六十五卒

周國烈妻陳氏

按寧化縣志陳氏邑人周國烈妻年二十七生子朝鼎甫期而烈與族兄某有怨家被掠茶毒不堪奔竄控冤遂沒於贛計至陳一慟昏絕弱子在懷墮地不知也久之復甦見子奄奄驚曰吾有子不可死死則子亦不活吾夫乃真死矣遂含忍自強惟子是護先

是烈值兄黨來掠急以貯貨寄鄰舍楊某家掠者至僅以貨免約值三百金至是微取為迎喪計楊某豫作偽書云取入贛久矣陳擇冒一嘆不復有言或怪其儒陳曰極知徹底根究惡必敗露但吾以年少新寡與阻倫詰是非事不即解經歷日月即得三百金身不值一文矣遂罄薄產歸旅觀家不存一錢賃一夫廬獨居摩機察綫聊供朝夕烈之叔伯某某乘其貧苦合謀奪志遣妯娌輩誘說百端謂芳年麗質人必見惜即孤子亦決不失所一旦華落枝空或事會

不偶日月方來可得老乎陳謝曰周氏之子謂他人父賤辱至矣何用此子為已矣勿復言然伯叔等謀已就謂內宗外戚不難刼制一弱女陳微聞而嘆曰狂徒窘我不令得死耳因悲號不絕聲行道哀之傳告其舅氏舅至陳方自縊急解救之逾時乃蘇自是外侮乃絕鼎長有知識始與言父所以死已所以有今日母子相抱哭絕陳終以憂損不能躋中壽病漸篤鼎操藥以進陳揮去曰汝成立有室吾事已畢死晚矣尚須藥乎遂卒

張萬啓妻王氏

按寧化縣志王氏者老王會女張萬啓妻啓天氏年二十七撫遺孤士登矢志不嫁屏息自匿絕跡不出中庭事庶姑以敬沒齒無怨宗黨賢之

周氏女

按上杭縣志周氏女年十六許字邑民湯憲德踰月憲德忽病作德母欲邀周女至家周父母母難之女聞奮然欲往父母不能沮遂至湯面憲德致語父母曰吾許湯即湯婦今安於此不復歸矣越旬有七日憲

德死女矢以身殉念德有母復止湯無恆產紡績膳德母撫一姪以為憲德嗣拮据五十年萬曆末御史徐鑒上其事建坊旌之年七十五卒

吳繼養妻丁三娘

按連城縣志丁三娘吳繼養妻養父丁氏年二十三子士奎甫二歲氏哀痛屢絕親族勸諭百端氏感悟教養士奎為之畢婚奎旋歿氏益孤苦歷五十餘年如一日

謝文中妻盧氏

按連城縣志盧氏謝文中妻年十八夫亡淡旬生遺腹子守之終身行動一惟遺言是從氏沒縣令周敬撰文祭之

江應魁妻吳氏

按連城縣志吳氏巧丕江應魁妻年十七適江十九夫亡氏方姪數月姑老家貧矢志無二彌月生子耀先撫子成立紡績以終老姑餘年艱苦萬狀年七十一卒有司旌表

黃寔妻江辛娘

按連城縣志江辛娘黃寔妻年二十三夫亡家貧辛苦紡績以事老姑撫幼子人稱節孝卒年九十三

黃文舉妻童氏

按連城縣志童氏生員黃文舉妻歸五載夫沒家貧無子矢志守節奉翁姑竭力不懈年五十六終

黃廷瑛妻謝氏

按連城縣志謝氏生員黃廷瑛妻年二十二夫亡事老姑不懈姑憐其貧無子恐不終欲嫁之不從久之困彌甚績緯度日姑沒設靈几具蔬菓踴躍盡禮卒

年七十餘

余文炳妻黃氏

按連城縣志黃氏邑庠生余文炳妻適余二載夫亡遺幼子尋亦殤舅姑憫其早寡欲嫁之不從年七十餘卒

童綸妻李德娘

按連城縣志李德娘國子生童綸妻年二十一夫亡無子苦節自守勤以濟貧不求親族年八十餘卒

林祿妻李妙金

按連城縣志李妙金林祿妻幼聽父讀書輒詢其義父大奇之年十八歸林家貧夫病常默禱願得一子以續夫後十九生子羽宏祿已殮畢跪泣曰婦今不死惟姑老子幼是慮耳語畢昏絕復甦由是毀容深居勤女紅以養姑育子姑病朝夕湯藥姑沒竭力營葬年八十九卒學使表其門

李錚妻羅富貞

按連城縣志羅富貞年十八適李錚甫四月夫歿立兄子扶陽為嗣羅撫若已出家徒四壁竭力事姑江氏以孝聞年七十卒旌表

謝文魁妻吳氏

按連城縣志吳氏謝文魁妻年二十三而寡無子舅姑為立嗣氏事舅姑孝敬撫嗣子世選若已出教之為諸生舉優行巡按御史旌其門

沈期亨妻童錦嬌

按連城縣志童錦嬌沈期亨妻亨天沒童年十九一子旬旬大尚在腹童泣血數載未嘗見齒奉姑膳溫涼必察疾必親藥撫二子鈐鈐皆成立